

ANTONII DE HAEN,

CONSILIARII AULICI, AC MEDICINÆ PRACTICÆ, IN
ANTIQUISSIMA ET CELEBRERRIMA UNIVERSITATE VIENNENSIS,
PROFESSORIS PRIMARI

THESES PATHOLOGICÆ

DE

HÆMORRHOIDIBUS,

A MEDICINÆ STUDIOSIS

ORDINE DEFENDENDÆ, ET OPPUGNANDÆ,

DIE IX. MARTII 1759.

SINGULIS POSTMODUM DIEBUS VENERIS,

HORA TERTIA POMERIDIANA,

IN PALATIO UNIVERSITATIS,

IN AUDITORIO MEDICO.



M. DCC. LIX.

VIENNÆ,

TYPIS JOANNIS THOMÆ TRATTNER, CÆS. REG.
AULÆ TYPOGRAPHI ET BIBLIOPOLÆ.



VIRO NOBILISSIMO
ILLUSTRISSIMO
GERARDO
L. B. VAN SWIETEN,
CONSILIARIO, ARCHIATRORUM. COMITĒ.
TOTIUS PER UNIVERSAM AUSTRIAM MEDICINÆ
PRÆSIDI, BIBLIOTHECÆ AUGUSTÆ PRÆFECTO,
&c. &c. &c.
S. P. D.

A. DE HAEN.



*Ex quo gratiosissimo AU-
GUSTISSIMÆ jussu,
Tuaque gravissima Com-
mendatione, ad Medicinam per ex-
perimenta docendam admotus fui,*

A 2

id

*id præprimis animo versabor , ut ,
præter universalem doctrinam medi-
cam , eos potissimum morbos exami-
nandos susciperem , qui Beatam Au-
striacam Gentem præ reliquis affligere
perbiberentur. Obviam autem fuere
inter præcipuos Malignitas, Bilis, Hæ-
morrhoids. His indagandis integro
propemodum quinquennio occupatus ,
detexi demum Malignitatem latius
pro-*

præclamari, quam par esset; Morbosque malignos ipsos, toties hic funestos, benigniores reddi posse, & longe rarius letales. Quibus proinde exponendis, varioque experimenti genere evincendis, in singulis Tomis Rat. Med. & præsertim in Tertio, multam operam dedi: cui addere id quoque possem, quod lata deinceps experientia abunde posthac, quæ

*ibidem consilia dederim , confirma-
verit.*

*Quo autem secundo loco Bilis in
universum diceretur innumeris in mor-
bis primas agere partes , id refuta-
tione dignum non judicavi; visa enim
mibi est accusatio a Medicastris dunta-
xat excogitata , qua in iis , quæ neu-
tiquam intelligebant , baptizandis , Ma-
gistros se esse , apud imperitum Vul-
gus*

gus probarent: hincque *Vulgi* potius quam *Medicorum*, in ore versari.

Cum Tertio vero longe aliter comparatum est. Non *Vulgi* vox est, sed *Medicorum* tantum non omnium, per omnes hasce, qua late patent, *Regiones*, *Hæmorrhoidas* inter quasvis ferme causas morborum suas agere partes, suam conferre *Symbolam*, sui petere, mererique, attentionem. Ut demum

*tota profecto Medicina hæmorrhoidalis
sit. Animis alte radicata opinio, præ-
terquam quod Pathologiam genuinam
obfuscet, reddatque incertam, etiam
Praxin pervertit, veras Diagnoses
obnubilat, ac veluti necdum sufficerent,
quibus Mortales confluantur, Cala-
mitates, innumeros propemodum homi-
nes diræ servituti mancipat, ejusque
tyrannide torquet diu noctuque.*

Si

*Si nunc volvam animo, quod præ-
clara nostra Juventus academica Hip-
pocratice docta, magno demum in dis-
crimine versetur, ne Praxin amplexa
mente vacillet, ubi novum hoc, &
ante finem sæculi proxime elapsi fere
inauditum Dogma, unanimi omnium
prope Medicorum ore prædicari, pro-
pugnarique, intelliget; operæ pretium
existinavi veram hæmorrhoidum tum*

*Theoriam, tum Praxin, Thesum
forma exponere, & typis evulgare:
ut demum illi sua quique vice easdem
defendentes, in Consultationibus quon-
dam frequentandis haberent, quo ad
datas quæstiones, difficultatesque, re-
sponderent.*

*Porro hæc eo lubentius in me susce-
pi, quod meminerim, jam a primo meo
hanc in Urbem ingressu, amaras de
hac*

*bac Medicinæ perperſione , TUO ſa-
pientiſſimo ex ore , me percepiffe que-
relas. Hinc eo acceptiorem hanc meam
TIBI fore opellam arbitror , quod cum
ea , quam accuratiſſimam de Medicina
habes , idea ; cum TUO , quo Euro-
pæ univerſæ inclareſcis , antiquo ſplen-
dori Medicinam reſtituendi , animo ;
TUA denique cum Voluntate , qua
me Medicinam Hipocratice tradere ,*

Et

Et quoad ejus facere possim Hippocratische amplificare jussisti, certo quodam modo conveniret.

Hæc nunc si probaveris, gaudebo; si simile quidpiam circa alias practicas quaestiones facere jusseris, obtemperabo: cum nihil magis volupe mihi esse possit, quam TIBI, nihil nisi publicum Bonum, nihil nisi Mortalium commoda, nihil denum nisi Medicinæ incrementum.

*mentum, diu noctuque meditantī, ac
spirantī, obedire, auxilioque esse posse.
Vale! & me, quod facis abunde, ama-
re ac fovere perge! Dabam Viennæ
21. Febr. 1759.*

ELEN-

ELENCHUS CAPITUM.

C A P U T I.

*Anatomica & Physiologica Hæmorrhoidum
consideratio.*

C A P U T II.

De Hæmorrhoidum causis.

C A P U T III.

De Hæmorrhoidum utilitate ac damno.

C A P U T IV.

*De Origine Hæreseos circa Hæmorrhoidas
natæ.*

C A P U T V.

Quæstiones practicas continens.

THESES



THESES PATHOLOGICAE
DE
HAEMORRHOIDIBUS

CAPUT I.

*De anatomica & physiologica Hæmorrhoidum
consideratione.*

§. I.

Hæmorrhoides , præter-
quam quod olim eva-
cuationem sanguinis
quamcunque, uteri so-
lius hæmorrhagiam , fluorem album,
mucosum ex extremi intestini Recti va-
fis

sis prodeuntem humorem, denique ipsa etiam vasa in fine Recti locata significarent; usitatioe nunc significatione illam rubri sanguinis evacuationem designant, quæ de apertis Recto in intestino vasis, altius profundiusve hærentibus, profluere solet.

II.

Vasa hæc vel a systemate *Venæ Portarum* oriuntur, vel a systemate *bypogastrico*.

III.

Ita quidem, ut si ex *bifce* sanguis fluat, illico tota cruoris massa, copioseque, minuatur; lentius vero, minusque, evacuetur systema *Venæ portarum*: ex *illis* autem & citius, & copiosius, & directius, systema *Venæ portarum* evacuetur; lentius vero parciusque reliquorum *Vasorum* systema.

IV.

IV.

Attamen quandam hic affert varietatem communicatio mirabilis, quam rami Arteriæ hypogastricæ habent, cum Arteriis a Mesenterica Arteria inferiore oriundis: quam ipsissimam communicationem venæ utriusque systematis quoque observant. Hac quippe lege ex venis, hypogastricarum ramis, fluente sanguine hypogastrico, aufertur quoque resistantia sanguini systematis venæ portarum: & vice versa aufertur resistantia sanguini venarum hypogastricarum, dum cruor ex systematis venæ portarum ramulis effluit. Videatur circa hæc omnia *Winslow*.

V.

Qui vero, si fiat evacuatio ex ultima propagine venæ mesentericæ, aut lienalis, impetus columnæ sanguinis,

B

di-

directius gravitat in illum, qui est ad vasis aperturam, verosimile fit hinc magis depleri systema venæ portarum, quam systema hypogastricum, lateraliter duntaxat communicans.

VI.

Verumtamen esse in causa spissitudo atrabiliaris cruoris potest, ut lente is motus, vix apertura transfluat; intereaque sanguis systematis hypogastrici, natura fluidior, qua data porta ruat: quam eandem ob rem atrabiliaris homo consueto evacuationis hæmorrhoidalis effectu penitus caret.

VII.

Quin & sanguis ex propria arteria impetuosius ruens, venamque propriam subiens, superare nonnunquam potest tardiores vim retrogradi sanguinis venosi, præ spissitudine vix extil-

lan-

lantis; adeoque tunc arteriosus idem sanguis ex apertura effluet, vix venoso admixtus.

VIII.

Verbo, quævis communicationes Arteriarum, Venarumque, utriusque hujus systematis, efficere possunt, ut nunc potius profiliat floridus, immediate *fere* ex arteria profluens sanguis, alio tempore ex venis exeat pene niger; & vice versa ex venis floridior, ex arteriis obscurior: prout est major in uno, quam altero in vase resistantia.

IX.

Imo nonnunquam fluit directe ex ipsis arteriis sanguis hæmorrhoidalis.

α. Ultimæ arteriolæ, rorem, mucum smegma, hic exhalantes, ut in utero, pulmone, & passim alibi, ita & hic pos-

sunt anastomosis pati, ut ipsos globulos rubros transmittant.

β. Possunt ipsæ arteriolæ rubræ Diapedesis, ac Diæresis pati, quando sanguis a corde veniens, nimiam offendit in venis hæmorrhoidalibus resistantiam.

γ. Hirudines ipsæ, dum venis minime turgentibus, ad evacuandas hæmorrhoidas adplicantur, æque fauciare arterias, quam venas, possunt.

X.

Lienosos citius, magisque immediate, hæmorrhoidum fluxus juvat, si melancholicus humor ex iis vasis effluat, quæ ex ipsa vena lienari sanguinem, retrogrado motu, immediate evacuant, quam si hæ venæ modo ex mesenterica vena originem ducunt: alterutro porro contigit modo; utrumque invenit, depinxit, *Eustachius* Tab. XXVII.

Fig.

Fig. 2. & 4. Imo ex ipso liene hæmorrhoidales venas ortas *Weslingius* vidit, pag. 31. Unde hoc tertio modo omnium maxime juvat.

XI.

Accuratissimum *Winslow* in disse-
candis cadaveribus secuti, convincimur
facile inanitatis illius distinctionis, qua
ab externis hæmorrhoidalibus vasis tam
scrupulose interna sejungamus, & hinc
varium scopum practicum veluti diri-
gere annitamur. Quippe & internæ ar-
teriæ hæmorrhoidales, ab hypogastricis
ortæ, & externæ dictæ a Mesenterica
inferiore oriundæ, ita usque ad Recti
finem pergunt, ut fluente in Recti mar-
gine hæmorrhoidæ, nemo affirmet, utrum
ab Hypogastricis sanguis profiliat, an
a Mesentericis ramis. Præterquam quod
præter omnia hæc vasa quæpiam arteria

alia hæmorrhoidalis interna formetur, a Ramo iliaco Natium dicto, quæ licet interna sit, tamen non Recti modo finem, sed & musculos ani perreptat. *Vid. eund. Tom. 3.*

CAPUT II.

De Causis Hæmorrhodii.

§. I.

Habent hæc Hæmorrhoides causas. I. Salutare Naturæ molimen, quo illa superfluo se suo exoneret, ut sæpe & naribus, & aliis variis viis affectat; vel ut sese expurget a melancholico sanguine, qui in systemate venæ portarum moratus, varia corpori incommoda creat. Estque sæpius uterque hic fluxus periodicus.

II.

2. Est ejusdem naturæ salutaris acutis in morbis nixus, ut coctam morbi materiam hac via eliminet.

III.

3. Acrimonia quæcunque sanguinis, quæ, ut vasa rodendo pulmonis hæmoptoën creat, ut eadem profusis menses foeminis sæpe est perniciofa; ita & in aliis corporibus vel stimulo continuo, vel facta diabrosi, fluxum hæmorrhoidalem producet, vix integre cessantem, aut enormiter saltem notabili tempore scaturientem.

IV.

4. Omnis hæmorrhoidalium venarum compressio interna, externa; qua efficitur demum id, ut corde pulsus sanguis per arterias; ut fortiores, minusque comprimendas, afferatur quidem,

B 4

per

per debiliores vero compressasque venas sursum remeare nequeat. ut

α. Gravidus uterus, ultimis Graviditatis mensibus, intestinum Rectum, vasaque proin hæmorrhoidalia venosa, maxime comprimens.

β. Partus difficilis, ita ut perlongo tempore infans has partes valde comprimat.

γ. Fæces duræ in segniore ventre pluribus accumulatae diebus, intestinum Rectum in faccum extendentes, venasque prementes.

δ. Diæta ficca, indigestilis, corpora maxime dura, ut nuclei Cerasorum, Mespilorum, Prunorum, Officula animalium, copiosa Farinacea non fermentata.

ε. Consuetudo latrinis diutius insidendi, qua fit, ut extrema Recti putrido

trido vaporī expōsitā, laxentur admodum tumeantque.

n. Prava consuetudo socordium, aut occupatarum Matrum, atque Nutricum, in quibusdam Regionibus, qua infantes, ne conspurcent sese, magnam diei partem cogant sellis infidere perforatis; quod nocet tam ob causam ad Lit. s. dictam, tam ob totius Recti relaxationem. Quippe intestino utcunque laxato & propendente, constringens se ani sphincter, portionem intestini penduli intercipit, vasque comprimit; unde lapsu temporis diathesis ad hæmorrhoidas nasci potest.

θ. Consuetudo fœces diutius retinendi; qua ii præprimis laborant, qui vel nimia occupatione, vel desidia, quamdiu possint, suas morentur alvos. Fœces hinc in colo, & præprimis in Recto
colli

colliguntur, accumuluntur, Rectum dilatant, premuntque ita; ut postmodum alvus nequeat, nisi summo cum nisu, reddi. Hac porro de causa venæ hæmorrhoidales utriusque generis pressæ, necessario intumescunt.

4. Intestini Recti frequens, & aliquantisper perdurans, prolapsus, ita quidem, ut sæpius a contracto sphinctere stranguletur, unde venæ, arteriis facilius comprimendæ, hic sensim turgent.

V.

5. Causa, a Medicamentis, alimentisque nonnullis, vi quasi propria, atque specifica, ad generandas hæmorrhoidas aptis. Talis omnibus Authoribus *Aloë* audit. Talis est *Allium* apud *Forestum*, Lib. 23. Cap. 3. in scholio &c. & apud alios alia.

VI.

VI.

6. Causa Equitationi crebriori ac diuturniori debetur. An quod Equitantibus Ossis Coxygis extremitas sic introrsum premitur, ut postica Intestini portio inde comprimatur? An quod ipsi sæpe sua excrementa, quantumvis prementia, retinere cogantur? An quod valide transpirantes, necessario ex *Sanctorianis* siccam habere alvum debeant? An etiam quod equo succussore pluries vecti, toius trunci perpendicularis pondere podicem violente contundant?

VII.

7. A supressis mensibus, hæmorrhagiis venarium, aliave quacumque evacuatione, siue naturali, siue præternaturali, impedita, imminuta. Ulcera ipsa, cachochymiam olim eliminare solita, si eadem minui, supprimique contingat, huc referuntur.

VIII.

VIII.

8. A causa quacumque acri, irritante, in Recto trahente moram, illudque debilitante, vasa rodendo infirmante, tenellos creante; qualem præ cæteris Dysenteria diuturnior generare solet.

IX.

9. A morbis vaginæ, ac vesicæ urinariæ, maxime circa ejus collum, principiumque urethræ. Vesicæ quippe scirrhi; abscessus, calculi, id quotidie demonstrant. Unde demum has nonnulli vesicæ hæmorrhoidas appellant. Contingitque idem foeminæ a tumoribus occupantibus postica vaginæ.

X.

10. A Crimine omnium flagitiossimo, contranaturali, vindictam in cælum clamante, inter homines ne nominando •

nando quidem: de quo qui medice nosse quidquam opus habent, adeant doctissimi *Astruc* egregium de L. V. tractatum.

XI.

II. A frequentiore Hirudinum suctu, inductaque consuetudine huc versus derivandi cruorem.

CAPUT III.

De Hæmorrhoidum utilitate ac damno.

§. I.

Hæmorhoides. duas potissimum tollunt plurimorum morborum causas, quarum alteram Plethoram vocant, alteram Cacochymiam.

II.

Ita *Hipp. Libr. VI. Epid. sect. 3. tex. 28.*
& *Libro de Humoribus pag. 51. edit. Foes.*
ipissimis fere utrobique verbis: „ Qui
„ hæmorrhoidibus laborant, inquit, ne
„ que

„que Pleuritide, neque Peripneumonia,
„neque ulcere Phagedenico, neque Fu-
„runculis, neque Thermintis, fortasse
„nequa Lepra, fortassis ueque aliis
„(sive potius, fortassis neque alphis,
„Vitiliginis genere) corripuntur. In-
„tempestive autem curati multi, hujus-
„modi morbis non longe postea tentati
„sunt, perniciose sic habentes. Quem-
„admodum enim in aliis abscessibus,
„quales verbi causa sunt Fistulæ, id
„observatur, ut aliorum morborum
„medela existant, ita quoque eodem
„modo, quo hos morbos sanant, etiam,
„si antea fluunt, eosdem prævertunt.

III.

In Aphorismis similia habet. *Aph.*
3-30, Hæmorrhoidas proprias iis de-
scribit, qui jam adulti, morbis inflam-
matoriis maxime obnoxii hærent.

IV.

IV.

Aph. 4-25. „Sanguis fursum quidem,
 „qualiscumque sit, malum: (nempe vo-
 mitu cum febre, *Aph. 7-37.* vel tussi eiec-
 tus; excipitur ergo saluberrima sæpe
 narium hæmorrhagia, quam pluribus in
 locis nedum condemnat, sed summo-
 pere laudat („deorsum vero bonum,
 „niger nempe subtus secedens. „ In
 quem *Aph. pulcre Galenus*: „Possumus
 „quoque nigra sic accipere, quemad-
 „modum ipse in Epidemiis, quum de
 „hæmorrhoidibus ageret, usurpavit,
 „prout Melancholicis affectibus me-
 „dentur. Nam revera, Melancholiæ
 „jam factæ, maximum remedium est
 „Hæmorrhoids aperta; & simul est im-
 „pedimentum ne accidat quæ futura
 „fuisset.

V.

V.

Aph. 6-11. „Melancholicis & Ne-
 „phriticis Hæmorrhoides supervenien-
 „tes, bonum. „ Et *6-21.* „Infanien-
 „tibus (Maniacis) si Varices, aut Hæ-
 „morrhoides, supervenerint, infania
 „solvitur. „ Ex *Galen*i in hos *Aph.*
 Commentariis patet, Sanguinem Me-
 lancholicum olim universum, jam con-
 siderari ut nunc, sive ad Hypochondria
 stagnentem, eademque infarcientem,
 sive Renes obstruentem, sive demum
 opplentem Encephalum. Quas omnes
 ob causas Hæmorrhoids proficua cense-
 tur, tum iis, qui melancholicos humo-
 res toto corpore circumeuntes gerant,
 tum quibus ii ad Systema Venæ porta-
 rum deponantur, tum etiam his, quos
 Nephritis ab hac causa infestet, tum
 denique quorum hinc orta infania.

„Quare

„Quare nihil mirum, ait *Galenus*, &
 „Melancholiam, & Nephritim curari
 „per hæmorrhoidas, utpote quæ San-
 „guinis veluti facem vacuare soleant.,
 Imo ipsos Calculos a facie hac atrabi-
 liaria, in renibus stagnante, basim posse
 nancisci, ad quam Urinæ secretæ ter-
 restres particulæ adponant sese, certum
 adparet.

VI.

Coac. tex. 333. dejectiones alvi nigras
 in casu quodam condemnans *Hippocrates*,
 salutem ex Hæmorrhoidibus succeden-
 tibus præfagit. „Quibus ex crebra &
 „profusa Hæmorrhagia frequens nigro-
 „rum dejectio est, indeque suppressio,
 „Hæmorrhoidici fiunt hi cum alvi dolo-
 „re: sed tamen cum flatibus patientes
 „doloris. „Vide *Duret.* in hunc locum
 pag. 196.

VII.

Cocc. N.º 346. ab Hæmorrhoidē non satis diu, nec satis copiose, fluente, Vertigines oriri ait, quæ paraplectici quidam ominentur. Ob quam causam tunc Phlebotomia vult parciore hæmorrhoidis defectum refarciri. *N.º 336.* de hæmorrhagia narium deficiente, & per V. S. curanda, idem dicit.

VIII.

Coac. N.º 478. „Quæ Apoplecticis veniunt Hæmorrhoides, salutare.

IX.

Quid quod ipsis Phthificis nonnunquam prodesse eas dicat.? *Coac. N.º 437.*
 „Quæ Phthificis accidit sputorum sup-
 „pressio, dementiam nugacem infert:
 „His spes est apparituram Hæmorrhoidem.

X.

X.

Quamvis porro plerique laudati hic textus etiam de quavis hæmorrhagia intelligiqueant, ut patebit, cap. V. n. XII. cum tamen tanti sit usus Hæmorrhoids, merito scripsit *Hippocrates. Aphor. 6 - 12.*
 „Hæmorrhoidas curanti diuturnas, nisi
 „una servata fuerit, periculum est ne
 „Hydrops superveniat aut Phthisis.

Rationem quippe dederat textu laudato *Epid.* dicendo: „Quemadmodum
 „enim in aliis abscessibus, cujusmodi
 „v. g. sunt Fistulæ, id observatur, quod
 „aliorum morborum medela existant,
 „ita quoque Hæmorrhoides. In quæ
 verba egregie *Galenus*: „Intempestive
 „sane Hæmorrhoidas curant, qui ne-
 „que Venam periodice tundunt, neque
 „purgantibus aliorum ducunt (δι' ὁπών-
 „λατων: Vid. *Libr. de Ration. vict. acut.*

„pag. 387.) neque per exercitationes
 „corporeas dissipant, neque unam sal-
 „tem ex illis relinquunt, sed omnes
 „simul tollunt. „ An ergo *Galen* mens
 fuit, non peccare eum omnes auferen-
 do, si & V.S. purgantibusque, materiem
 aliorum duceret, & exercitio corporeo
 hominem ita disponderet, ut transpiran-
 do plethoram præveniret? Est certe in
 regula generali exceptio, ut mox liqui-
 dius adparebit.

XI.

Nam ipse *Hipp. Libr. de Hæmorrhoid.*
 „Urere, inquit, ita oportet, ut hæ-
 „morrhoidum nulla iniusta relinquatur,
 ἀλλὰ πάσας ἀποκάυσεις, sed ut ad unam
 „omnes urendo auferas „. Triplicem
 deinde methodum omnes auferendi tra-
 dit, igne, ferro, erodentibus. Sequi-
 turque illum *Aetius Tetrabib. 4. serm. 2.*
cap. 5. Vide-

Videtur omnino *Hippocrates* distinxisse inter Hæmorrhoidum genera. In *Aph.* locutus diserte fuerat de *χρονίας*, *Antiquis*, Hæmorrhoidibus, quæ designarent inveteratam jam Naturæ Consuetudinem, sese hac via aut superfluis, aut noxiis, exonerandi. In his igitur unam servandam esse jubet. Ubi vero recentes erant, molestæque eadem, & numerosæ, considerabat topicum vitium occasione natum, minime vero salutare molimen Naturæ: unde easdem cunctas eradicandas censet.

XII.

Ipseque *Galenus* est eadem mens, clare percipienda in *Comment. ad Aph. 4-25. Chart. Tom. IX. & Comm. Libr. de humor. Text. 26. Chart. Tom. VIII. pag. 576.* Ubi namque ultimo loco longe lateque de omnium ablatarum nocumentis disse-

ruerat, aperte id de antiquis intelligere
se ostendit, de recentibus vero minime.
Unde ait: „ Scire tamen convenit, non
„ semper boni consulendum esse, ut San-
„ guis per infernas partes ex Hæmor-
„ rhoïdibus effluat, sed tum denique,
„ cum nigra excernuntur, & cum ho-
„ minis natura multum humoris hujus-
„ modi accumulatur. *Alioqui* Natura non
„ est tali evacuationi assuefacienda;
„ quippe quæ utrumque excessum pe-
„ riculosum habeat: tum quando san-
„ guis ultra modum excernitur, tum
„ quando ex toto cohibetur. Nam in
„ immodica vacuatione veremur, ne
„ homo de repente moriatur, aut fiat
„ Hydropicus, aut Cachecticus; con-
„ tra vero iis, qui ex cohibitis nunc
„ hæmorrhoidibus Sanguinem coacer-
„ vant, secare Venam oportet, ne in
„ magnum

„magnum aliquem morbum cadant.,,
Patet igitur quo in homine omnes li-
ceat auferre, in quo vero unam oporteat servare apertam.

XIII.

Hinc facile comprehendimus historiam *Alcippi Epid. 4. pag. 1139.* „*Alcippus* „hæmorrhoidas habens ab iisdem curari vetabatur. Curatus tamen fuit, „sed simul insanivit. Febris acuta succedens, Maniam solvit.,, Patet utique hæmorrhoidas repletas molestasque habuisse *Alcippum*, nec ferre voluisse: eo hortamento, ne auferri sibi curaret, non auscultasse, curatum autem in Maniam incidisse; a qua, non nisi fortunata admodum febre, liber evaserit. *Alcippus* igitur ex iis non fuit, quibus *Hipp.* integrum hæmorrhoidum curationem suafisset, sed eorum est ad classem

teferendus, quibus una aperta efflet servanda.

XIV.

Intelligimus quoque quinam illi fuerint, de quibus *Galenus comm. in text. 26. Lib. de humor.* „Quibus tandem ignorat, „inquit, plerosque in Melancholiam „Insaniamque incidisse, hisce excretionibus incitua Medicorum suppressis? Alii dolore lateris, alii renum „vitiis correpti sunt; aliis accidit, ut „sanguinem e ventriculo vomerent, „aut ex pectore tussi ejicerent, aut paraplegia, aut hydrope oppressi, interirent. Antiquos profecto hæmorrhoidarios *Galenus* hic præ oculis habuisse, ex iis liquet, quæ mox huic textui subdiderit, quæque jam supra laudaverim: „Scire tamen convenit, „non semper boni consulendum esse, „ut

„ut sanguis per internas partes &c.
Vid. Thef. XII. cap. III.

XV.

Cœterum qui confiderat quod, quantosque, tum acutos, tum chronicos morbos, five Plethora sana, morboſave, five Caco-chymia peculiaris, olim evacuari ſolitæ, jam retineri cœptæ, neceſſario debeant generare; ille minime mirabitur tot morbos, ab hac cauſa genitos, tum textibus enarratis enumerari, tum longe numeroſiores adhuc poſſe recenſeri. Nam,

1. Pleuritis, Peripneumonia, Phrenitis, Paraphrenitis, Splenitis, Hepatitis, Gaſtritis, Enteritis, Nephritis, Hyſteritis, Apoplexia, Convulſio, Tetanus, Febris ardens, Febris quæcumque, a ſola Plethora ſuppreſſa ducere originem poſſunt.

C 5 2. Phthiſis

2. Phthifis a retento hæmorrhoidon fluxu nafci pōteft; five quod Peripneumoniam, Pleuritidemve, fequatur illa, five quod ex nutritione nimia, exercito non diflipata, nata fueit; quam ultimam fpeciem frequentem oftendimus *Rat. Med: part. 2. § 3.* quamque fan Hæmorrhōis levare poffet, ut *Thef. IX. cap. 2.* habetur.

3. Hydrops oritur, quando Stagnans Plethora Cacochymiam induit; cujusmodi exempla cachecticæ & hydropicæ fœminæ nobis exhibent, poft fuppreffam evacuationem Menftruam.

4. Maniam, Paralyfin, fimilesque morbos, atrabiliaria fpiſſitudo generat, prout ad Encephalon, Nervorumque five origines, five decurfus, accubuerit.

XVI.

Hi ergo homines, qui quopiam horum morborum, ratione Plethoræ, aut Cacochymiaë, laborassent, jam largo Hæmorrhoidum fluore ab iisdem morbis degunt immunes, in quantum scilicet hi morbi ab hac causa oriundi essent.

Equidem homines posse tamen in eisdem incidere morbos, vel inde manifestum fit, quod causæ sufficientes dentur, quæ in medio Catameniorum, Hæmorrhoidumve, fluxu, morbis acutis chronicisque producendis aptæ natæ sint.

Sane Hæmorrhoidum fluor nunquam impedit, quo minus homo in Pleuritidem incidat, quem cursu agitatum, rarefacto, eoque moto proinde cruore turgidum, copiosus Gelidæ refecerit haustus, aut quiescenti gelida afflaveri
aura.

aura. Prætereaque exempla quotidiana sunt caufarum, acutos quæ generent morbos, in Puerperis, in Virginibus, in Hæmorrhoidariis, ipso rite quamvis pergente fluxu. Quod si demum tunc fluxus sistatur, sistitur quidem ille a morbo, non vero ille subsistendo morbum creavit. Ecquis Practicorum pluries non viderit, quod aut fluxus tempore, aut eo brevi prægresso, morbos hujusmodi gignant motus, iracundia, vindicta, mæstitia, vina, venus?

XVII.

Collatis igitur, interque sese comparatis, Antiquissimorum Medicinæ parentum tum sententiis, tum observatis, adparet,

1. Hæmorrhoidas vetustiores, conservatæ eo usque sanitatis testes, nunquam inculpate auferri universas.

2. Hæ-

2. Hæmorrhoidas recentes & licere, & oportere, aliorum ducere, nisi earum conservationem Natura aperte clamat; ut v. g. esset observata prima vice Hæmorrhoids, quæ hominem illico a diuturniore mania sublevaret: cæterum propter periculum sive suppressi, sive retardati, sive imminuti, sive nimium aucti, hujus fluxus, hæmorrhoidas impediendas, & curandas esse.

3. Hinc sapientissimorum horum virorum sententiam neutiquam eandem esse cum ea Modernorum, qui audacter asseverent, hun fluxum viris æque necessarium esse, quam foeminis menses.

4. Adeoque antiquos hos Patres non injunxisse Medicis ut quemvis morbum, seu Plethora, seu Cacochymia genitum, hæmorrhoidum provocatione curare satagerent, sed iis tantummodo, quas
 Natura

Natura indicasset, viis, hæmorrhoidales hæ fuerint, an aliæ quævis.

XVIII.

Nec aliter censuere celebres in arte Viri, per varias Medicinæ ætates. Quamvis enim omnes ærumnas a cohibitis hæmorrhoidibus pathetice recenseant, haud tamen eas ita necessarias credidere, ut natura easdem non producente, arte tamen excitandas esse docuerint, utque causam difficilium morborum harum tantummodo defectui tribuerint. Totum id, quod ex horum monumentis colligitur, unice eo tendit, ut demonstretur, sæpissime salutare molimine naturæ hunc fluxum excitari, periodiceque reverti; ejusque sive retardatione sive cessatione, quam aut ars medica, aut abusus sex rerum non naturalium effecisset, morbos gigni omnis generis, quamdiu

diu causa, ob quam semel natæ hæmorrhoides essent, perseveraret. Quo certe in argumento omnes totius orbis medicos secum consentientes habent. Videri hic possunt *Sennertus*, *Sorbait*, *Riverius*, *Wepferus*, *Juncken*, *Sanctorini*, &c.

Ex his omnibus *Sennertus* audiatur, Germanorum Medicorum, 150. abhinc annis, facile princeps, *Tomo IV. pag. 473.*

„Hæmorrhoides autem, inquit, quatenus tument, pertinent ad Morbos magnitudinis præter naturam auctæ: si vero sanguinem præter naturam fundunt, pertinent, ut *Galenus* scribit „3. de sympt. caus. Cap. 6. ad symptomata in genere Excretorum, toto genere præter naturam. Neque enim omnium hominum est sanguinem his venis effundere, sed quorundam - - - Etenim quamquam, cum moderate „fluunt,

„fluunt, utiles sunt, & a multis mor-
 „bis præservant; tamen humor, qui
 „ad excretionem naturam stimulat, na-
 „turali modo se non habet; neque san-
 „guis unquam, nisi in fœminis, secun-
 „dum naturam excernitur. Et *Etmul-*
lerus Tom. 2. p. 1. pag. 144. „Quo-
 „cumque modo accidunt hæmorrhoida-
 „lia pathemata, omnia sunt præter na-
 „turam, cum hæmorrhoidales affectus
 „*naturaliter* nemini contingant, adeoque
 „semper eorum affectus præsupponunt
 „statum præternaturalem & morbidum.
 „Hinc sicuti mulieribus *vitio mensum* su-
 „pervenire solent, &c.

XIX.

Quid, quod pravi successus abunde
 nos de quorundam Medicorum temeri-
 tate convincant, qua ad cogendum hunc
 fluxum naturam perpetuo lacescunt!

1. Namque male sæpius videmus eorum succedere conatus, dum otiante plane natura, illi non piceum illum, qui forsan tota morbi causa, sanguinem educunt, sed cum, qui ex iliacorum vasorum propaginibus floridior, vegetiorque, & quo homo miser maxime indiguisset, profluit. Unde efficitur ut ille longe debilior, mœstior, magisque atrabiliarius reddatur. Quippe ex *Thef. VI. & IX. Cap. 1.* patuit incertum 1. esse utram venam feriant Hirudines, 2. an non etiam vulnerent arteriam.

2. Summo ægrorum damno fit ut hypochondriaca Passio cum materie haud satis ab illa, quæ citra materiem fit, distinguatur. Qua distinctionis ignoratione Hypochondriaci sine materie coactis hæmorrhoidibus pessime mutantur, ut

D

post.

posthac ab aliis, qui rectius sapiunt, vix queant emendari.

3. Scatent Practicorum observata infortuniis, puæ oborta his, qui, Medico cogente, hæmorrhoidarii reddit, deum hunc fluxum aut minus sufficientem, aut penitus habuerint suppressum.

4. Ut omnes nimiae hæmorrhagiæ vitam labefactare, Hydropem creare, mortemque possunt, ita etiam Hæmorrhoides. Unde secundum *Galenum* celeberrimus *Venetorum Anatomicus & Practicus Sanctorini*, *Tract. de Hæmorrhoid.* „Si modum, ait, exedat, ita ut „nimia sit excretio, quod Morborum „funebres apparatus, quantum cruciatum armamentarium!

5. Aliam calamitatum classem constituunt Furores dicti hæmorrhoidum, Uvæ, Marisci, Rhagades, Ficus, Diabrosis,

brofis, Intestini Recti relatio, & prolapsus, Tenefmi ad urinas, Stranguriæ, Dysuriæ, &c. a quibus omnibus dolores sæpe intolerabiles, aut demum inflammationes, suppurationes, gangrenæ, ani fistulæ, hydrops, &c. Unde laudatus mox *Sanctorini* addit „Hinc & „Hydropes, & Cachexiæ, & Tabes, „& Fistulæ, & Ulcera.

. 6. Tandem præconcepta opinio ubique hæmorrhoidas quærendi, id damni praxi intulit, ut vera causa dolorum in lumbis, in ano, in vesicâ urinaria, prætervideatur, hominesque, neglecta vera æruminarum causa, frustra ad hæmorrhoidas torqueantur. Contigit videre in praxi sic dispositiones calculosas, sic Recti intestini inflammationes, relaxationesque esse neglectas, neglectu fere desperatas esse redditas.

XX.

Cum ergo secundum omnes artis Principes natura hunc fluxum in plurimis haud excitet ; cum secundum eosdem , universa sana Praxis prohibeat homines , Natura viam non monstrante eidem assuefacere ; cum denique multa incommoda & calamitates ejus occasione contingant ; id apparet evidentissimum , quod Modernorum Praxis longe numerosiores morbos creet , multoque plures Mortalium reddat ægrotantes , quam ex consueto naturæ ordine ægrotare debuissent.

XXI.

Quare etiam secundum optimos Medicinæ Antistites , hæmorrhoidibus orituris , ortisque , crebro est reluctandum , quo dispareant demum. Quum enim aut Fæces duræ , aut Consuetudines pravæ ,
aut .

aut Recti prolapsus, Resve indigestiles, Equitatio, Graviditas, aut alia quæcumque occasionalis causa, hæmorrhoidum tumores, dolores, fluores, progenierint, nec evacuatio hæc aliunde indicetur, strenue allaborandum est, ut evanescant.

XXII.

Adde, quod natæ dicto mox modo hæmorrhoides haud raro vehementer nocere queant, si obstructa & inflammata viscerum, partiumque ab aorta descendente ramos accipientium, missionem sanguinis potius ex adscendentibus e corde ramis sibi poscerent. Quæ fortassis ratio fuit, quæ magnum *Wepferum* promoverit, ut scriberet *Lib. de morb. Cap. pag. 416. obs. 104.* „ Certe hæmorrhoidum apertio, utcunque ab Italis „ summe extollatur, in praxi non istam

„opem fert, quam præstare multi pol-
 „licentur ; quia sæpe alibi vena secta,
 „laudabilior successus consequitur,

C A P U T IV.

*De Origine Hærescos circa Hemor-
 rhoidas natæ,*

§. I.

Quum stabilita hucusque Doctrina
 per omnia notæ Medicinæ sæcu-
 la, usque ad proxime præcedentis fi-
 nem, receptissima fuerit; quæ demum
 tantæ in schola medica mutationis origo?

Alterum necessario verum est: aut
 corpora humana legibus fuere mutata
 suis; aut Medici, citra naturæ immuta-
 tionem, Doctrinam medicam, æternæ
 experientiæ innixam, turpiter mutave-
 rint necesse est. Quum nunc corpora
 iisdem

iisdem prorsus, quibus olim, legibus regantur, necessario sequitur damnosam in Medicina Hæresin obtinuisse.

II.

Clarissimus *Stablius*, Vixi si quis alius in Chemicis versatissimus, speculationibus autem in Medicina supra modum deditus, mutata hac in parte Medicinæ, non experiundo, sed speculando, exititit faber; quem mox schola ejus tota, in eaque Principes *Junker*, *Alberti*, &c. secuti sunt.

III.

Suspectum vel ideo dogma, quod Cl. *Stablius*, ut alibi passim, ita disertis, repetitisque sæpius verbis, in Epistola ad Cl. *Alberti*, Albertiniano de hæmorrhoidibus tractatui in quarto præfixo, palam fateatur, omnesque palam fatean-

tur *Stabliani* Novum plane, insolitum, inauditumque, dogma esse.

Equidem stat laus sua, honosque, novis in Medicina observatis, quæ ejusdem pomeria extendant, illustrent obscura, dubia firment: sed ea jure vituperes, quæ nedum experientia nata, sed eidem penitus adversa reperiuntur.

IV.

Quid ergo respondendum ad innumera experimenta, quibus clarissimus novitii dogmatis Author, schola ejus universa, ex eaque prodeuntes numerosissimi tum aliarum Regionum, tum præprimis Germaniæ Medici, hæmorrhoidalem suam doctrinam factam testam esse arbitrantur? Et inprimis quid de tamosa illa *Colica hæmorrhoidali*, quam *Stabliani* imbuti principiis millies observent, current-

rentque, interea dum alii, quibus haud licet adeo perspicacibus esse, eandem vix animadvertant?

V.

Resp. Est Colica quædam vere hæmorrhoidalis, a nifu sanguinis versus vasa hæmorrhoidalia, orta; qualem etiam aliquoties fœminæ ad ventura patiuntur catamenia. Quem igitur in modum fœminæ aptis ad menses provocandos auxiliis ab hac colica liberantur, ita & apta ad provocandas hæmorrhoidas remedia hanc dictam colicam tollunt. De hac re omnes hucusque consentiunt Practici.

Verum ideo quamcumque fœminarum colicam velle menstruam appellare, eamque, ut talem curare, est sane fœminas pessumdare millenas.

VI.

Est igitur colica menstrua, suis internoscenda signis, causisque, nonnullis per annos ad quosque menses solemnis, plerisque rarior, multis ignota. At vero præter hanc colicam, mulieres frequenter colicam patiuntur a variis VI, non naturalibus rebus dictis, a spasmo, a temperie, a phlogosi, a materie rheumatica, quæ licet sui quæque genii sit, colicam tamen hæmorrhoidalem mentiri possit incautis.

VII.

Quemadmodum nunc Practici colicam in fœminis a longe aliis causis, quam a Menstruis, frequentissime oriundam & norunt, & curant; a fortiore norunt frequenter eandem in viris, curantque, aliunde quam ab hæmorrhoidibus genitam; quum longe rarior viris hæ-

mor-

morrhoids, quam fluxus menstruus fœminis.

VIII.

Quum proinde viri infinito rarius fluentes hæmorrhoidas habeant, quam fœminæ menses; quum fœminæ colicos dolores, aliunde quam a mensibus natos, millies patiantur; consequitur necessario id, ut qui centies & millies has hæmorrhoidales colicas sibi videre videantur, etiam centies & millies easdem ut tales, quales minime sint, saluent.

IX.

Quippe confundunt communes Morborum notities; nam dum Colicæ Nephriticæ, Rheumaticæ, Arthriticæ, Pictonicæ, idque genus aliæ inchoantes, iis adhuc, quæ veram ejus naturam determinent, signis carent, audacter hæ-

mor-

morrhoidalem, quam nunc vident, appellitant: signis vero eam rite determinantibus abortis, inepte prorsum concludunt, ideo hanc determinatam Colicæ speciem oboriri, quod Colica hæmorrhoidalis suum non sit sortita effectum: quem si sortita fuisset, hanc tunc occasionem nascendi alteri colicæ prærepturam fuisse.

Quare ad quasvis ejusmodi experientias, toties decantatas, cum laudato supra *Sanctorini* respondeo: „Nec mihi „experimentorum myriades pro hujus „(hæmorrhoidis) saluberrimo usu re- „ponant. Sit Experimentis fides! At „sit cautum, alioquin difficillimum, „Experimentorum judicium!

X.

Quid ergo statuendum de *Illo hæmatitide, Hyppocrati descripta, Libr. de internis*

ternis affect. pag. 557. edit. Foesianæ, quam veram Hæmorrhoidalem Colicam esse voluit cum suis Stablius?

Eodem hercle! modo, *Ileus hæmatitis* est *Colica Hæmorrhoidalis*, quam est *Inflammatiō Pleuræ*. Id utriusque Historiam inter sese conferenti liquido constat. Putrida tiffolutio Sanguinis, cum foetore oris, cum Gingivarum a dentibus abscessu, cum ulceribus crurum, cum narium Hæmorrhagia, sine ulla facta colici doloris mentione; ea sane putridi scorbuti historiam apte referret, nisi alacritas, magnaue ad ambulationes & exercitia promptitudo, contrarii quidpiam designarent.

Attamen si cum *Fæfio*, & *Charterio*, in suis ad hunc textum notis, censeamus hic necessario è omisso esse, quia adparentia crurum alia post alia ulcera,

quæ

quæ *Hippocrates* hic describit, promptitudinem ad exercitia prorsum tollunt, tunc habemus accuratam satis *Scelotyrbæ* enarrationem. Videte *Comm. Ill. Præsid. ad §. 1148*. Quin & copiosus lactis, mellisque, usus, Radices Betæ, Folia Cucumeris agrestis, Sal &c. haud inepte videntur huic morbo crando ab *Hippocrate* adhibita; qui tamen adjecit morbum multa medicatione indigere, imo aliquando non curari, sed ad mortem usque perseverare.

Quo nunc jure morbum, sic *Hippocrati* descriptum, Colicam hæmorrhoidalem appellent? Utique *Hippocratis* textus nullum Symptoma Colicæ recenset; recenset vero Symptomatum seriem, quorum ne unicum quidem in Colica adest. Quod si curationem respicias, dat plura; quæ certe in Colica haud

con-

convenient, & de sollicitandis hæmorrhoidibus, quod rei totius præcipuum caput est, ne meminit quidem.

Ut merito concludam eos, qui præconceptas opiniones ineptis argumentis statuminare cogantur, suæ ad probandum egestatis manifesta indicia prodere.

XI.

Quid tamen judicandum de famosis experimentis *Lutetiæ Parisiorum* habitis, atque in *Thesi* anno 1750. ibidem propugnatis? quorum hoc primum: „No-
„vimus mulierem, ita Ascite laboran-
„tem, ut ad Paracentesin multoties ce-
„lebrandam coacta confugere, curare-
„tur ad tempus, non sanaretur: Ecce
„autem artem docente Natura, curam-
„que suscipiente, larga de repente adve-
„nit Hæmorrhoidum vacuatio, ægram-
„que liberavit ad annos. „ Historia
quippe

quippe hæc quoddam Hæmorrhoidum privilegium clare demonstrare videtur, quo privilegio ab ejusmodi se liberet morbis, in quibus secundum universas Medicinæ leges sanguinem profundere vetitum est.

XII.

Resp. Haud scribitur ab Autoribus utrum huic fœminæ hæmorrhoides quondam, salutare affuissent, an vero vice tunc prima comparerent?

Si primum; dico, quandoquidem notante *Hippocrate*, *Aph. 6 - 12*. Hydrops a suppressis hæmorrhoidibus nasci potest, etiam fieri potuisse ut fluxus hic restitutus Hydropis attulerit sanationem; idque in ejusmodi potissimum corpore, in quo post *Paracentesin*, *sanitas adparuerit tam illibata, ut ad tempus curata diceretur.*

XIII.

XIII.

Hinc iterum quæritur, quod in Historia deest, qua natus de causa Hydrops? An a suppressis Hæmorrhoidibus, aut Catameniis? An a Diathesi eo inclinante? Cacoehymia? Cachexia? Obstructione?

Talis autem, cui a malis his ultimis causis natus, promotusque, fuerit Hydrops, non sustinet tot Paracenteses impune, neque dicitur *post ultimam adhuc paracentesin ad tempus curata*. Nam ut recte advertunt, exemplisque confirmant, *Acta Ph. M. N. C. Vol. 6. obs. 60. & Vol. 11. obs. 29.* fluxus hæmorrhoidum in Hydrope, ab his ultimis causis nato, mortem acceleravit. Ergo non hinc, sed a prima causa, nempe evacuatione Hæmorrhoidum aut Menstruorum suppressione, oriundus fuit foeminæ hujus Hydrops.

E

XIV.

XIV.

Id si verum, omnes sensati medici, Paracentesi facta in tam bono corpore, mox in revocandas evacuationes animum advertissent, quò demum corrigerent morbi originem. Quòd si, his prægressis, forte quis foret corporis in cavo aut relictus, aut de integro collectus liquor, integritate absorbentium vasorum, resorptus is fuisset, communibusque Corporis emunctoriis eliminatus.

XV.

At cura profecto hæc non solius fit privilegio Hæmorrhoidis. Idem quippe casus esse videtur, cujus meminit *Hypocrates*, *Lib. de Viñt. Acut. text. 39.* de Hydropico agens: „Si, inquit, difficulter „spiraverit, fuitque æstiva anni tem- „pestas, & virium robur adsit, ex „brachio

„brachio sanguis mittendus est., In
 quæ verba sic commentatur *Galeus* :
 „Hic solus (Hydrops) cum incipit, eget
 „interdum sanguinis detractiōe, quum
 „scilicet ex retentione vel Hæmorrhoi-
 „dum, vel muliebrium Menstruorum,
 „vel ex aliqua, quæ ita plethorica sit,
 „causa, inceperit.

Est ergo Hydrops, sunt Corpora
 Hydropica, in quibus V.S. conducatur,
 auferendo veram, Hydropem quæ ge-
 nuerat, causam. Ergo & reditus cu-
 juscumque suppressæ evacuationis, Hy-
 dropem producentis, sive ea hæmor-
 rhagia narium fuerit, sive hæmorrhoids,
 sive catamenia, corpus tale ab hydropse
 curare valeret.

XVI.

Hucusque respondi, vetustiores ipsi
 hæmorrhoidas fuisse supponens, a §. XII.

E 2

ad

ad XV. Sed quid si totius vitæ prima modo vice prodierint? Tunc signarunt vires in hoc corpore tantas superfuisse, ut Sanguinis evacuationem innocue tulerint; signarunt bonitate corporis vasa, post ultimam Paracentesin tam robusta, humoresque tam compactos fuisse, ut regenerandi Hydropis causa defuerit, ac Sanguinis demum fuerit promotus fluxus: Hincque ipsas has hæmorrhoidas, non curæ causam, sed potius ejusdem effectum, extitisse.

XVII.

Altera *Parisiensis* historia fœminam sistit ann. 39. quæ Asthmate, Hepatitide, Nephritide, Colicâ uno tempore intestinali, alio hysterica, laboravisset; simulque & a retropressa Scabië, & hæreditaria Arthritide, admodum male haberet. Perhibetur venam secta toties,

ut

ut Radius, Carpus, Pes, Cicatricibus
 fœdati numerosis, nullam ultra admit-
 terent Venæ sectionem. Hanc fœminam
 Autorum Theseos alter infarctis Abdo-
 minis vasis laborantem vidit, pulsus
 habentem compressos, tumidasque con-
 querentem hæmorrhoidas. Quam pro-
 inde ob causam Hirudines admovit.
 Hæmorrhoidibus autem egregie fluidis,
 crebroque conspicuis, integram sanita-
 tem fœminæ restitutam vidit. Nonne
 solæ Hæmorrhoides hic ad miraculum
 curarunt tot, tantorumque, vitia visce-
 rum; quæ hæreditaria arthritide, re-
 pressaque scabie genita, obstructione &
 inflammatione confirmata, reliquam artis
 opem conclamata declaraverant?

XVIII.

Indicat tota Historia Fœminam hanc
 nondum ex inflammationibus suppura-

tam, nondum ex obstructionibus scirrhosam, effectam esse; adeoque a frequentiore V. S. aliquantillam tulisse opem; tum quia Plethorica fuisse adparet, tum quia Gallorum corpora frequenti M. S. a teneris afflueta, ejus repetitionem crebrius poscunt: at vero, quod maxime notandum, systema venæ portarum, quod tam variis pathematibus singularem sui depletionem toties indicasset, demum aptam pandisse sibi viam, qua magnam morborum causam eliminaret. Ut proinde Historia hæc, æque parum quam præcedens, Hæmorrhoidum miracula canat.

XIX.

Tertia in Scenam prodit Virgo hæmorrhoidibus curata, postquam aliquot ab illinc annis, retardato fluxu menstruo, diris esset abdominis cruciata doloribus:

loribus: ad quos sedandos innumeræ quidem V.S. fomenta, balnea, paregorica, aquæ tam martiales quam sulphureæ, at penitus incassum, adhibita essent. Cum autor intelligeret,, a spisso,, & visceribus abdominalibus hærente,, Sanguine, universam Symptomatum cohortem, ut plurimum, originem ducere,, animadvertit simul externarum hæmorrhoidum, earumque quidem turgentium, adesse congeriem, quibus suavisit Hirudines adplicandas. Verum anni spatio Puella huic consilio reluctata (mali admodum tolerabilis argumento) eidem tandem paruit, & quinquaginta circiter variis temporibus hirudines passa, convaluit.

XX.

Ut præcedentes, ita & præsens historia, quamvis fronte prima rerum mi-

rabilitate veluti percellit, nec miri, nec extraordinarii, quidquam continet. Imo attente legenti abunde patet, & causam, & Symptomata morbi, & ipsas Hæmorrhoidas cæcas, id innuisse, quod in Systemate Venæ portarum fons latitaret malorum, & deoque sui expulsionem per Hæmorrhoidas manifesto indicasse.

CAPUT V.

*Quasdam practicas quæstiones
continens.*

§. I.

An homini, hæmorrhoidas ex Plethora quondam passo, jamque, iisdem aliquandiu non fluentibus, ægrotanti, cura debeât præcipua esse restituendi easdem?

Ex doctrina antea data, pendet responsio ab examine quæstionis, ejusque distinctione. Vel enim homo plethoricus

cus esse perstitit, vel non perstitit : Si Plethoricus existens, nunc ægrotat, jam vel naturam per cœcas hæmorrhoidas, viam hanc referare aperte molientem, percipit, vel minime percipit. Si percipit, convenit indicatum Naturæ sequi, & provocare hunc fluxum; si non percipit; defectum hæmorrhoidum doctrina Hippocratis & Galeni instructus, V.S. suppelere debeo.

Requisitam autem depletionem adeptus, autor illi ero, ut victu moderatiore, ac debitis exercitiis id efficiat, ut plethoricus ultra non fiat. At vero si ne plethoricus quidem ultra est, cessat plane ratio de hæmorrhoidibus cogitandi: cessat consideratio Moliminum, quæ Natura olim hac via fecerit. Morbus est mihi nunc, non ex anemnesi hæmorrhoidum, sed ex symptomatibus præsentibus, curanda. E 5 II.

II.

Quando Melancholici, Hypochondriaci, Atrabiliarii, olim ab atra bile ægrotantes, fluentibus postliminio hæmorrhoidibus convalescerint, jamque iisdem cessantibus, ægrotent; an non illico reseranda hæmorrhoids?

A bona quæstionis distinctione apta pendet responsio: si morbus est plane idem qui olim, ita ut, quæ nunc præsentia sint symptomata, a spisso Venæ portarum sanguine nasci observentur, utique omnem navare operam oportet ad revocandum hunc fluxum. Sin autem idem homo, seu Naturæ, seu Artis ope, ab illa abdominali sarcina immunis vixerit, hæmorrhoidibus quantumvis carens; ipseque præsens morbus nihil habeat cum atra bile commune; necesse est curare eundem, non secundum antiqui, quo dudum caruerit, morbi

bi

bi regulas, sed juxta præsentis ægritudinis medicandæ leges. Haud enim potiore jure huic restituerem hæmorrhoidas, quam quo ægro, quem quondam fudor a morte præservasset, nunc in morbo, a priore absimili, sudatoria medela curare vellem; quippe quod olim salutare, nunc noxios posset provocare fudores.

III.

Quid si homo antiquitus cum hæmorrhoidibus sanus, jam sine iisdem prima vice vitæ Melancholicus fiat? nonne ipsi mox illæ revocandæ? Urgere quippe hæc indicatio videtur, cum ab omni ævo, hos usque in dies, toties deprehensæ sint huic morbo salutare.

Quid hic affirmem, negemve, non habeo, nisi primo noverim qualenam sit istud Melancholiæ genus, quo nunc
prima

prima vice laboret? Sitne spisso atrabiliario sanguine, an vero mera mobilitate solidorum, tenuitateque humorum, oriundum?

Si ab ultima causa; Medicus cogendo hæmorrhoidalem fluxum insigniter peccat. Primo quidem quod cuncta ejus molimina delicatiores hosce nervos vehementer exagitent, morbi que ideo tum symptomata, tum ipsam exacerbent causam. Secundo autem, quia hisce ægris, nisi alii urgentiores morbi id expresse jubeant, nihil est evacuantibus perniciosius. Quantumvis enim nonnulli inde videantur principio lavari, observantur tamen in pejus postea ruere: cum solidorum inertia, ac fluidorum tenuitas, immane quantum! inde augeantur.

Sin

Sin vero a causa prima; præprimis inquiram utrum illa, quam præsentem morbi causam detego, spissa scilicet ac lenta humorum Diathesis, systema venæ portarum peculiari modo oblideat, an vero per universam humorum dispersa sit massam?

Si itaque massam totam infecerit, evacuantibus ex sua natura minus eget, quam attenuantibus, atque immutantibus, ab Arte peculiariter ad id destinatis.

Quia tamen etiam cacochymica Plenitudo sui nonnunquam evacuationem postulat, qua nimirum spatium bonis sive alimentis, sive medicamentis, concedatur, missio Sanguinis quocumque demum ex vase fiat, ex æquo proderit.

Si ex æquo proderit, quocumque fluat de vase, eo potius loco eandem institutam,

tuam, qui & commodissimus sit, & paratissimus, & nullis posthac incommodis obnoxius: neutiquam proinde (*vid. Cap. 3. Thes. XII. XIX.*) ex hæmorrhoidalibus.

Sed deprehendat nunc Medicus systema venæ portarum atra spissitudine infarciri, quid tum?

Reperiet idem ille Medicus naturam hæmorrhoidas tumore, pruritu, dolore, indicantem, vel nihil horum. Si nihil omnino, dubiam hoc provocato fluxu curationem ægro proponat; eo quod, si a remediis internis, si ab emollientibus, stimulantibus topicis, imo si ab ipsis hirudinibus, contigerit, ut vena hæmorrhoidalis, Mesentericæ propago, dehiscat, juvamen ingens inde capturus sit; si vero hypogastricarum furculus, sperato sit frustrandus effectus.

(*vide*

(vide *Theſ. omnes* 1. cap.) hancque obſervationem vide confirmantem *Ludovicum Mercatum* Tom. 3. Lib. 3. cap. 17.

Unde ipſiſſima cauſa intelligitur, cur his ægris toties laudatæ hæmorrhoides, non opitulentur? & cur iidem homines uno tempore inde inſigniter leventur, alio vero tempore nedum leventur ſed ægrius habeant? nam jaſturam ſanguinis non melancholici, ſed fluidioris, impune non ferunt.

Alia autem res erit ſi natura viam monſtret, venasque inflaverit hæmorrhoidales. Spes utique multo certior ægro datur fore, ut, Arte naturæ conamini obſecundante, ingens morbi levamen percipiatur.

IV.

Si homo olim vel acuto, vel chronico in morbo, criſin per hæmorrhoidas habuerit, jam
vero

vero denuo acute cbroniceve laboret; an nunc iterum est ad illas disponendus?

Cum quo vergit natura eo ducenda fit, si per loca convenientia, oportet eam & hic sequatur Medicus, si ipsa per se molimina edat, veluti denuo hominem hoc fluxu judicatura. Natura autem plane otïante, Medicus sane haud meliore cum jure hæmorrhoidas promovere sataget, quam si quascumque evacuationes criticas, olim prægressas, in cunctis, quæ postliminio orirentur, morbis, resuscitare, repetereque, anniteretur. Si igitur stulte ac ridicule ageret, qui præsentem morbum vellet promotis curare sudoribus, eo quod hi olim judicassent eundem; aut eum fanare purgantibus, quem Alvus olim judicasset; ita contra artis præcepta is ageret, qui, propter crisin hæmorrhoidalem

lem quandam prægressam, hæmorrhoidibus ægritudinem tentaret fugare præsentem.

V.

An hæmorrhoides ortæ quondam occasione Alvi segnioris, Dysenteriae, Equitationis, Graviditatis, Medicamentorum, Morborumque vaginæ, intestini, vesicæ, aliquid in posterum pro tuenda valetudine, aut pro curando morbo, Medico indicent?

Ut apte respondeatur, erunt omnes hi homines tres dividendi in classes.

Primo, habuere horum multi explicatarum occasionum una hæmorrhoidas, eaque evanida, nullum harum aut fluxum, aut tumorem, experti sunt. In his nulla ratio est hæmorrhoidas revocandi, quia nec unquam antea, neque postea, eas indicaverat natura. Ex *Thest* igitur XIX. cap. III. is peccat in vera ar-

F

tis

tis præcepta, qui citra aliam indicationem hæmorrhoidas provocet.

Secunda classis eorum est, qui ex una dictarum occasionum hæmorrhoidas passi, easdem tumidas deinceps, dolentesque, experiuntur. His itidem, cum natura illas indicaverit nunquam, non erunt ullatenus revocandæ, (vide *Tbes. XII. & XIX. cap. 3.*) sed potius dolores ac tumores aptis auferendi auxiliis. Et si ipsis est detrahendus cruor, is eo ex loco ducendus, quem ejus, quo nunc laborant, morbi ratio eligendum suadet.

Tertia classis eo continet, qui aut Plethorici, aut Atrabiliarii, ex occasionali quidem causa hunc fluorem olim adepti sint, sed tamen posthac, ablata, quæ illum produxerat, causa, crebrius repetentem, cum euphoria, perceperint. His utique sana praxis jubet hunc
fluxum

fluxum conservare, seigniores animare, revocare cessantem. Secus qui fecerint, suisque tum venæ sectionibus, tum medicamentis, plethoram aut cachochymiam solvere, debellareque se posse arbitrentur, scioli sunt, naturæque non ministri, sed adversarii; ut evidentissime demonstravit *Ill. Præses in Comm. ad §. 741. & 779.*

VI.

Quid si femina gravidæ, aut lactanti, hæmorrhoids fluat?

Evacuationes menstruas, ut gravidæ, lactantesque, passim non habent, utque easdem, si habeant, illæ cum metu abortus, hæ cum lactis imminutione, aut jactura, patiuntur; ita haud infrequenter utrisque, citra ullum aut sanitatis, aut functionis detrimentum, hæ evacuationes contingunt. nulla pro-

inde hic regula generalis. Prudens Medicus, omnem occasionem, quæ menses provocare possit, demens, menses utrisque est permissurus, dum omnia signa eorum necessitatem, adeoque præstantiam, evincunt; prohibiturus, si contra ipsissima hæc regula, quid in harum hæmorrhoidibus agendum sit, definit. Optimos practicos evolventi, veritas horum comprobabitur.

VII.

Au hæmorrhoides non perniciosæ, quæ cum Catameniis alternent; ita ut altero 14. die menses, altero hæmorrhoides, fluant? Exemplum Sennertus habet Tom. IV. pag. 473. idem plures videre Practici, vel & has una cum illis.

Ut non impedimus catamenia, quæ quovis 14. die redeunt; ut etiam non prohibemus eadem, si omni quidem men-

menſe exacto, aſt duplo copioſiora, redeunt, dum junctam ſibi habeant illibatam conſtantemque ſanitatē; ut denique aut nimium, aut frequentiorē, quam valetudinis ratio permittit, menſtruū fluorem, prudenti opera imminuimus, ducereque ad juſtum moderamen annitimur: ita ſecundum eaſdem regulas de alternante, aut ſimul contingente, cum catameniis fluore menſtruo, judicaremus. Nec aliter *Sennertus* rem conſideraſſe videtur.

VIII.

Quid faciendum ſi fœminæ juvenculæ menſtrui loco flueret hæmorrhœois? Aut Menſtruis ætate debita promore ceſſantibus hæmorrhœoides ſuccederent?

Fluor hæmorrhoidalīs loco menſtrui in ejusmodi fœmina juniore, ſi maritata eſſet, præjudiciū ſœcunditati inferre poſſet. Quamvis enim proliferas matres

noscamus, quibus nulli unquam menses, nulla fere unquam fluxerint lochia; quia tamen foeminæ magis secundum naturam est menses, quam hæmorrhoidas habere, & exempla sine mensibus fecundarum rarissima sunt, si nunc hæc sterilis, & spem tamen perennandæ prosapie in se fere unica collocatam haberet, theoretice hic concluderemus ficcandam hæmorrhoidem esse, uterumque referandum: sed practice hoc opus, hic labor foret. Quæcumque enim Emmenagoga & Aristolochica in arte vocantur, æque hæmorrhoidalem pellunt, quam uterinam cruorem. Adplicati, utero ad Catamenia cienda cujuscumque generis vapores, crurumque adhibita balnea, hæmorrhoidas æque provocant: missus denique vel ex pede, vel ex brachio, sanguis, ex æquo utrisque

que prodest aut nocet. Attamen tentari posset, num secta brachii vena, adstringentibusque ad hæmorrhoidas admotis, sisti demum hunc fluxum contingeret, ac deinceps aura in uterum versa menses provocaret.

Et forte usui esse exemplum posset, quod invenitur in *Essays and. observ. phys. and. lit. tom. 2. pag. 403. &c.* de menstruis, medio in fluore a frigore suppressis, quæ demum revocabantur, quando, post Balneum vaporis, decem diebus adhibitum, postque purgans aloëticum, Arteria cruralis idonea ligatura comprimebatur, pudendis interim aquæ tepidæ vaporis expositis.

2. Mensibus autem debita ætate jam cessantibus, si hæmorrhoids succedat, necessitatem hæc indicat évacuationis, si-ve plethoræ universæ, si-ve saltem ute-

rinae, & ultra nihil. Nam si v. g. cessante menstruo hæmorrhagias narium natura produceret, indicaret necessitatem Phlebotomiæ faciendæ, iterandæque, haud narium hæmorrhagiæ promotionem. Est enim hæmorrhagia hæc, si criticas exceperis, infidum vel ideo auxilium, quod sæpe aut parcius, aut copiosius, profundat sanguinem: quapropter Practici tunc solent venam tundere, ut tutius omne superfluum tollant. Cum nunchæmorrhoides idem habeant, pejusque periculum, quam narium hæmorrhagia, omnis ratio militat pro auferenda hac scaturigine, & aliis viis natura sublevanda.

Est porro responsio utraque hæc, ad duplicem quæstionem data, ita intelligenda, ut si utrisque his fœminis adesset Atra bilis in systemate abdominali

nali collecta, hæmorrhoidalem fluxum utrisque fovere, ex *Thef. V. cap. V.* necessario deberem, si non ad fœcunditatem in priore, sed ad salutem ambarum medicina peteretur.

Urgebit fortassis quisquam hæmorrhoidis præ aliis evacuationibus, in defectu mensium, præstantiam, ex *text. 522. Coacarum*, ubi *Hippocrates* „salutare est, „inquit, muliebria non cohiberi: nam „inde veniunt Epilepsiæ, quibusdam „etiam longa profluvia ventris, ut ar- „bitror: nonnullis etiam hæmorrhoi- „des“. Imo ipse *Duretus* videtur hic hæmorrhoidas ex hoc capite summis ex tollere laudibus.

Resp. 1. Ex toto contextu sententiæ *Coacæ* videri hæmorrhoidas potius in hoc casu vituperandas quam laudandas esse; quia Auctor ideo malum esse

docet catamenia cohiheri, quod ex eo Epilepsiæ, Diarrhææ, & Hæmorrhoides, nascantur. Ergo hæ sunt inter prævos cohibiti mēstrui effectus recensendæ. In *Batavis* puerperis observare aliquoties contigit diarrhæam pro lochiis: perniciofa hæc in genere credita, tamen plures in vita servat, si vires bene conservantur. Est revulsio hæc materiæ ab utero, inque intestina derivatio, bona respectu interitus alioqui ex suppressione oriundi; at vero ideo hanc puerperarum diarrhæam non laudamus, ut salubrem evacuationem, sed consideramus ut minus malum, quo quidem mors sæpius præcaveatur, sed nonnunquam tamen acceleretur.

Huc referri potest textus *coac.* 333. quem *cap. 3. n. 6.* jam recensui: quo patet hæmorrhagias quandoque supprimi;

&

& Diarrhæam , Dyfenteriamve oriri, imo hanc nonnunquam iterum excipi ab hæmorrhagia.

Hinc cum *Hippocrate* pronuntiamus malum esse cohiberi muliebria (vel etiam lochia) quia inde Epilepsiæ, longæ diarrhææ, & hæmorrhoides.

Verum concedamus in hoc textu laudari hæmorrhoidas , ut supprefforum mensium defectui , ac periculo subvenientes , an solarum harum id privilegium est ? Minime.

Hinc 2. dico *Hippocratem* in mensium defectu laudare omnem quacumque demum via factam vacuationem. *Aph. 5-33.* diserte ait „Mulieri menstruis deficientibus e naribus sanguinem fluere, bonum”. Quomodo bonum ? quia majus malum præcavet ; sed in se malum semper, quia contra naturæ ordinem. An

nunc

nunc hinc concludam præstantiam hæ-
 morrhagiæ narium, præ omnibus aliis?
 Male concluderem; sed cum eodem sal-
 tem jure, quo alii in hoc casu præroga-
 tivas hæmorrhoidas faciunt.

Recte igitur in hunc Aphorismum
Galenus „ cum multa sint loca, inquit,
 „ per quæ vacuari queat, aliis quidem
 „ omnibus sua quædam major, minor-
 „ que, inest læsio, sola vèro per nares
 „ evacuatio innoxia, quam nunc claudat
 „ *Hippocrates*. Non tamen si qua alia com-
 „ periatur citra noxam evacuatio, pro-
 „ pterea falsus est Aphorismus. Non
 „ enim quod sola per nares vacuatio de-
 „ ficientibus bona sit, edixit, sed ipsam
 „ simpliciter commendavit, non addito,
 „ quod sola sit. Quod si quis eam, quæ
 „ per sedem fit, vacationem ita affe-
 „ ctis mulieribus utilem esse proferat, non
 „ „ Apho-

„Aphorismo reluctatur. Nonnunquam
 „enim *Hippocrates* unico velut exempli
 „gratia proposito, de similibus omnibus
 „pronuntiare videtur.

Ex omnibus his liquet suppressis catamenii dari loca periculosa, ex quibus suppressus profluat sanguis; ut v. g. pulmo est: dari alia loca innoxia, ut sunt nares, hæmorrhoides, &c. quo eodem modo hic innocuas pronuntiaremus venæ sectiones.

Quare laudandus optimus *Duræus*, dum, postquam in explicando textu mox laudato *Coacarum* forte quid plus, quam par erat, hæmorrhoidibus videretur tribuisse, sic demum concludit: „Estque
 „hac Dianoea Magistri, ut doceat menstruales, quibus menstrua non respondent, non aliter vindicari posse ab illis symptomatis, atque periculis, quæ
 „infert

„infert eorum suppressio , quam per hæ-
 „morrhagiam , varices , & hæmorrhoi-
 „das : quamvis illa perfugia mulieribus
 „non sint naturaliter instituta , nec con-
 „sueti , ob eamque causam suspecta.

IX.

*Si homo nunc ægotans , qui vel nunquam
 est expertus hunc fluxum , vel easdem sive ca-
 su sive opera naturæ , olim quidem , sed mul-
 tis ab annis neutiquam , passus est ; si , in-
 quam ille , in præsentī morbo suo , Medico
 renuntiet se jam tumorem , pruritum , tene-
 sinum , materiæ albescentis tenacisque perci-
 pere fluorem : an hinc Medicus redditur cer-
 tior de conatu naturæ per hanc viam indicato ,
 eique obsecundare debet ?*

Cum debita distinctione respondeo
 I. examinandum esse an morbus , qui
 nunc adest , revera talis sit , quem hoc
 vacuationis genus aptius , certiusque ,
 sanet ,

fanet, quam quodvis aliud; ut v. g. est vena portarum atra bile infarcta.

2. Si acutus sit præfens morbus, expendo mecum, an tempus sit aptum, quo evacuatio hæc profit; maxime si illam debeam ut criticam considerare? Novi enim quod, si die non bono, natura videretur aut alvo, aut sudore, aut alia quacumque via, crisin moliri, eam adjuvare haud liceret.

3. Novi quoties id contigerit, ut inchoans Recti intestini prolapsus speciem hæmorrhoidis, intra compressam ani sphincterem eminens, præ se ferat: scio quoties uvæ, marisci, condylomata, cristæ, fungi, & id genus alia, nasci incipiant, quæ hæmorrhoidas mentiantur incautis: cognosco demum horum accretorum corporum pondere, irritatione; quin & relaxati, complicatique

Inte-

stini, rugis; materiem albam ac tenacem, quæ cum futuro hæmorrhoidum fluore nihil commune habeat, exprimi ac profundi.

Ergo examino naturam morbi, morbi tempus, coctionis signa, & ipsum præprimis locum affectum. His omnibus rite cognitis regulas practicas exacte adplico, iustaque earundem adplicatione facta, anuuo, abnuo.

X.

An infantes soleant Hæmorrhoidibus laborare? Ita nobis Vetulæ Custodes jurant, matresque matronæ: factò vero accuratiore examine constat, tenello in corpusculo finem Recti laxari sæpius, ejusque relaxati plicam referre tumorem, quem falso hæmorrhoida appellitent: vel etiam tumorem hunc & pressum, & ani strictura veluti suffocatum,

catum, speciem gerere corpusculi profunde rubri, aut lividi; quod hæmorrhoidis appellatione perperam insigniatur. Inexperta manu datæ infantibus enemata; pessimus, isque frequens tamen, mos, suppositoriis, ex calidiore femine saccharo involuto, eosdem assiduo torquendi; ani tumores, excoriationes, imo sanguinis fluxum excitare quidem possunt, at vero ideo hæmorrhoides aut non sunt, aut si sint, ut per infortunium natæ, curandæ sunt. Posse autem contingere, ut infanti fluxus hæmorrhoidalıs, sponte natura, nascatur, inficias haud ivero, quemadmodum *Etmuller Tom. 2. part. 1. pag. 143.* in pueris hæmorrhoidas observatas esse, non sua, sed *N. C. ann. 4. pag. 299.* auctoritate refert; haud, inquam, id nego, modo mihi concedatur haud minus id in na-

G

tura

in acutis eorum morbis, in dentitione difficili, &c. summo cum emolumento subinde fieri; verum hic humorum potius dicas rarefactionem ab acrimonia adesse, quam nimiam cruoris copiam: neque naturales evacuationes sanguinis ante manifesta quædam pubertatis indicia expectamus: imo si contingat, ut forte humores seu copia, seu rarefactione nimii, intra arctiora vasorum spatia paulo ante pubertatem vix contineri queant, consuetissima iis fit hæmorrhagia narium & nullatenus hæmorrhoids. Unde necessario consequitur id, ut licet de profapia genitus sit infans, cui ab ævo immemorabili hæmorrhoids familiaris, tamen tempus pubertatis requiratur, antequam vere adpareat.

XI.

Cur hæmorrhoides aliis, quam aliis nationibus frequentiores?

1. A natura spissioris sanguinis, quem calidior Atmosphæra, fluidum vitalis liquidi continuo dissipans, generare solet.

2. Ab incrassante Diæta. Lege enim hydrostatica & hydraulica, ita nostris cum humoribus est comparatum, ut partes solidiores, subtilioresque, sursum; crassiores vero, fungosiores, ramosiores, ferantur deorsum. Quam ob causam crassorum humorum fit major versus infernas corporis plagas determinatio, accumulatio.

3. Sed est tertia ratio, fere reliquis omnibus prævalens, prava nimirum medentium consuetudo, qua quinquagesies fortasse, & ultra, hunc fluxum promoveri fatagant, ubi vix semel eas natura indicavisset. Vide prænob. & Doctiss. *Hentschel* Thes. de Hæmorrhoid. n. XII.

XII.

An igitur dolor, ac tensio, pulsatioque, in lumbis, dorso, collo, non indicant naturæ ad hæmorrhoidas nisum? Nonne ipse dixit Hipp. Coac. 307. τὰ ἐν ὀσφύϊ ἀλγύματα, αἰμορροϊκά? Nonne Coac. 312. dixit. Ἐν ὀσφύϊ ἐπωδύνῳ καρδιαλγικὰ προσελθόντα σημεῖα αἰμορροῶδεα, ἢ καὶ προγεγεννημένα? Et Prorrh. 1. text. 130. Ὁσφύϊ ἐπωδύνῳ καρδιαλγικὰ προσιόντα σημεῖα αἰμορραγῶδεα ὄμαι δὲ καὶ προγεγεννημένων σημεῖον.

1. Si quis omnes numerosos textus Coacarum ordine legat, is videbit hos dolores, tensiones, posterioris corporis, nunc hæmorrhoidas designare, nunc menses, nunc alvi profluvia, nunc deliria, nunc convulsiones, & sic porro. Adeo ut hæmorrhoidas hinc nemo jure concludat, nisi peculiararia earum signa simul adsint.

2. Plurimi chronici morbi, Nephritides, Arthritides, Rheumatismi, has partes corporis posticas centies dolore ac tensione afficiunt, sine ulla indicata hæmorrhoides.

3. *Hæmorrhoidum*, *Hæmorrhoidicorum*, *Hæmorrhoidorum*, appellatio tam raro evacuationem sanguinis per ani venas significat, ut unus interpretum vulgari significatione hodierna hæmorrhoidas intelligat, alius quamcunque sanguinis evacuationem ab *Hippocrate* designatam putet. Et quod magis mirere, horum singuli adeo in interpretando Autore suo sunt incerti, atque inconstantes, ut nunc idem verbum in generali significatione uno in loco, in alio potius ad hæmorrhoidas peculiariter, referant: idque ita, ut ex contextu toto rationem ignores, cur hic potius generali, quam peculiari